


BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Broj: 03-017-1012/2017
Dana, 01.06.2017. godine

BOSNA I HERCEGOVINA
FEDERACIJA BOSNE I HERCEGOVINE

01.06.2017

011-19-6-10-118	114
-----------------	-----

SKUPŠTINA UNSKO-SANSKOG KANTONA

PREDMET: Program rada i finansijski plan JU „Socijalno pedagoška životna zajednica“ Bihać za 2017. godinu,
d o s t a v l j a s e;-

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Program rada i finansijski plan JU „Socijalno pedagoška životna zajednica“ Bihać za 2017. godinu, uz sljedeće:

O b r a z l o ž e n j e

Vlada Unsko-sanskog kantona je na sjednici održanoj dana 01.06.2017. godine, razmatrala i prihvatila Program rada i finansijski plan JU „Socijalno pedagoška životna zajednica“ Bihać za 2017. godinu, obrađivača JU „Socijalno pedagoška životna zajednica“ Bihać i predlagača Ministarstva zdravstva, rada i socijalne politike, te vam isti dostavljamo na razmatranje.

PRILOG: - Program rada (6x)

PREMIJER KANTONA
mr. sci. *Husein Rošić*

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
JU“SOCIJALNO PEDAGOŠKA ŽIVOTNA ZAJEDNICA“
BIHAĆ**

**PROGRAM RADA
JU“SOCIJALNO-PEDAGOŠKA ŽIVOTNA ZAJEDNICA“ BIHAĆ
ZA 2017.GODINU**

Bihać, mart/2017.godine

SADRŽAJ:

1. Uvod.....	3
2. Normativni okvir.....	4
3. Tematski dio	4
Aktivnosti kroz organizacione jedinice	
Ustanove.....	5
Dječiji prostori-savjetovišta.....	5
Socijalno-pedagoške porodične zajednice.....	8
Đački internat.....	11
Stanovi za mlade.....	13
4. Kontinuirane aktivnosti	14
Zaključci.....	15

I UVOD:

Javna ustanova «Socijalno-pedagoška životna zajednica» Bihać osnovana je Odlukom Skupštine Unsko-sanskog kantona („Službeni glasnik Unsko-sanskog kantona“ br:9/99).

Dana 25.02.2000.godine izvršen je upis u Sudski registar kod Kantonalnog suda u Bihaću (Rješenje br:U/I-07/2000).

Na prijedlog Vlade Unsko-sanskog kantona, Skupština Unsko-sanskog kantona, na 38. sjednici održanoj dana 10.06.2009.godine, donijela je Odluku o izmjenama i dopunama Odluke o osnivanju JU“Socijalno-pedagoška životna zajednica“Bihać („Sl.glasnik Unsko-sanskog kantona“ br.9/09).

NAZIV USTANOVE: JU“Socijalno-pedagoška životna zajednica“

SJEDIŠTE : Bihać, Unsko-sanski kanton

ADRESA: Vasif bega Bišćevića, 15

PRAVNI STATUS: Javna ustanova

IDENTIFIKACIJSKI BROJ:4263177030002

DJELATNOST USTANOVE:

- zbrinjavanje djece i mladih bez roditeljskog staranja;
- djece i mladih izloženih nasilju;
- djece i mladih koji dolaze iz kriznih situacija;
- djece i mladih sa lakim teškoćama u razvoju

DIREKTOR USTANOVE: Fikreta Halimović, scr., imenovana Odlukom Vlade Unsko-sanskog kantona br:03-017-227/2016.godine.

UPRAVNI ODBOR:

Rješenjem br: 03-017-177/2016 od 01.09.2016.imenovan je privremeni Upravni odbor, čiji mandat je istekao sa 30.11.2016.godine. Od tog perioda Ustanova nema Upravni ni Nadzorni odbor.

KAPACITETI:

Ustanova funkcioniše sa slijedećim raspoloživim kapacitetom:

- 14-Socijalno-pedagoških porodičnih zajednica sa površinom od 202m² izgrađenih u sedam općina Kantona,
- Dječiji prostor „POGLED“ –savjetovališta za mlade u sedam općina Kantona

- Đački internat za srednjoškolce u Bihaću
- 2-Stana površine od 53m² u Bihaću, lokacija Ozimice I,

II NORMATIVNI OKVIR

Konvencija o pravima djeteta kao međunarodni dokument, sa univerzalnim principima koje država mora garantovati svakom djetetu ima prednost u odnosu na sve zakone u Bosni i Hercegovini, i kao takva najznačajniji je pravni akt kada su u pitanju prava djece smještene u instituciju.

Zakonski osnov djelovanja:

- Zakon o socijalnoj zaštiti, zaštiti civilnih žrtava rata i zaštiti porodica sa djecom Unsko-sanskog kantona
- Porodični zakon Federacije Bosne i Hercegovine
- Zakon o trezorskom poslovanju F BiH
- Zakon o izvršenju budžeta USK-a
- Zakon o obligacionim odnosima
- Zakon o javnim nabavkama
- Ostali propisi koji regulišu institucionalno zbrinjavanje djece

III TEMATSKI DIO

Program rada za 2017. godinu predstavlja raspored po kojem će se aktivnosti izvoditi. Provođenje Programa rada za 2017.godinu se odnosi na nastavak aktivnosti koje su započele u 2016.godini, a koje će se usmjeriti na stvaranje što boljih uvjeta za rast i razvoj smještene djece. Pored ovog, neophodno je i razvijanje Ustanove kroz realiziranje započetih projekata, saradnja sa nevladinim sektorom i drugim institucijama koje se bave djecom i mladima. Podjela aktivnosti provodit će se po organizacionim jedinicama Ustanove, a sve trebaju da omoguće racionalnije ostvarivanje postavljenog cilja.

Aktivnosti u 2017.godini

tabela br: I

r/b	Naziv aktivnosti	Rok za izradu	Nosilac izrade	Organ koji razmatra materijal
1.	Podnošenje "Izveštaja o radu Ustanove za 2016. godinu"	mart	direktor	Upravni odbor, resorno Ministarstvo, Vlada USK-a i Skupština USK-a
2.	Izrada finacijskog izvještaja za 2016. godinu	februar	direktor i pomoćnik direktora za	Upravni odbor, resorno Ministarstvo, Vlada USK-a,

			financijsko- ekonomske poslove	Skupština USK-a
3.	Izrada „Programa rada za 2017.godinu“	februar	direktor	Upravni odbor, resorno Ministarstvo, Vlada USK-a, Skupština USK-a
4.	Izrada finansijskog plana za 2017.godinu	februar	direktor i pomoćnik direktora za financijsko- ekonomske poslove	Upravni odbor, resorno Ministarstvo, Vlada USK-a, Skupština USK-a
5.	Program aktivnosti „21 Mart- Dan Ustanove“	mart	zaposleni	direktor

Aktivnosti uprave Ustanove za 2017.godinu

tabela br:2

r/b	Naziv aktivnosti	Rok za izradu	Nosilac izrade
1.	Suradnja sa resornim ministarstvom i Vladom USK-a	kontinuirano	direktor
2.	Suradnja i koordinacija sa načelnicima općina USK	kontinuirano	direktor
3.	Sastanak sa Centrima za socijalni rad USK-a	kontinuirano	direktor, socijalni radnik i rukovodioci Socijalno-pedagoških porodičnih zajednica
4.	Stručni seminari	januar / decembar	psiholog, pedagog i drugi stručni uposlenici
5.	Edukativne radionice	januar / decembar	psiholog, pedagog
6.	Evaluacija rada	decembar	

AKTIVNOSTI KROZ ORGANIZACIONE JEDINICE USTANOVE

DJEČIJI PROSTORI-SAVJETOVALIŠTA

Na području Unsko-sanskog kantona, trenutno je u funkciji šest Dječijih prostora-savjetovališta i 14 Socijalno-pedagoških porodičnih zajednica. Kroz ove organizacione jedinice odvijaju se aktivnosti usmjerene na brigu i zaštitu djece bez roditeljskog staranja, djece i porodica u krizi, te djece koja su pod rizikom od razdvajanja.

Respektirajući kompleksnost života u tranzicijskom društvu kakvo jesmo, a shodno potrebama i realnim mogućnostima planiraju se i realiziraju aktivnosti kroz:

1. aktivnosti u Dječijem prostoru - savjetovališu
2. aktivnosti u Socijalno-pedagoškim porodičnim zajednicama
3. aktivnosti u okviru Stručnog tima I

Aktivnosti u Dječijem prostoru - savjetovališu

Zbog ograničenosti planiranih sredstava budžetom, Dječiji prostori–savjetovališta su vremenom u sve lošijem stanju, ali su i dalje otvoreni za svu djecu iz lokalne zajednice u kojima se odvijaju aktivnosti savjetodavnog tipa, a ponude su:

1. Individualni rad sa djecom iz Socijalno-pedagoških porodičnih zajednica, djecom iz neposrednog okruženja-lokalne zajednice, odgajateljima-hraniteljima, članovima biološke porodice, srođnicima djece na smještaju.
Cilj: Pomoć i podrška djeci u procesu odrastanja, preveniranju i predupređivanju neprihvatljivog ponašanja, razumijevanju prava i obaveza djece, intervencije u krizi-razne faze sazrijevanja i dr.
2. Grupni rad sa djecom, odgajateljima - hraniteljima kroz razna savjetovanja, debate, radionice i dr. Navedeno će se organizirati prema iskazanim potrebama od strane djece i odraslih, a prema postojećim mogućnostima, te u dogovoru sa akterima iste, zvaničnim predstavnicima ostalih relevantnih ustanova, NVO-a, odnosno svima koji imaju dodirne tačke i koji rade sa djecom. Da bi ovakav vid aktivnosti bio provodiv potrebno je unaprijediti ponudu u Dječijem prostoru, poboljšati uslove boravka i rada u istima jer ovakvi kakvi jesu ne nude mnogo.

Forme grupnog rada su:

- radne grupe (diskusione grupe)
- edukacione grupe (grupe za učenje)
- terapeutske grupe
- grupe za odmor i rekreaciju

Edukativne radionice će se organizirati jednom do dva puta mjesečno, a bit će usklađene sa potrebama i interesima djece i aktuelnom momentu u društvu, vremenu i drugim okolnostima. U ovakvim radionicama često je potreban angažman stručnjaka raznih profila.

Edukativne radionice

tabela br: 3

R/b	Naziv radionice	Ciljna grupa	Rok za izradu	Cilj radionice
1.	Moja porodica	djeca-mladi	permanentno	pripadnost, značaj, podrška
2.	Komunikacija (verbalna i neverbalna)	djeca, mladi, odgajatelji-hranitelji i dr.	permanentno	izgradnja mreže zdravih odnosa
3.	Odrastanje-adolescencija	mladi	permanentno	savladavanje poteškoća u procesu sazrijevanja
4.	Profesionalna orijentacija	mladi	nakon osnovne škole	informirati i odabrati pravilan izbor
5.	Moje mjesto-prava i obaveze	djeca i mladi	permanentno	edukacija, učenje o Konvenciji o pravima

				djeteta
6.	Konflikti i njihovo rješavanje	djeca, mladi, odgajatelji-hranitelji, nastavnici, srodnici	kontinuirano	savladavanje vještina i tehnike u odnosu sa drugima
7.	Zdravlje i sport	mladi i djeca	kontinuirano	konkretnije mjere zaštite
8.	Nasilje među mladima	djeca, mladi, odgajatelji-hranitelji, srodnici, nastavnici	kontinuirano	spriječiti nasilje i razvoj nasilja
9.	Demokracija	mladi i ostali zainteresirani	par puta u godini	uvod u društveni pojam i kategorije

Kreativne radionice imaju za svrhu i cilj iz djece i mladih izvući i prepoznati ono što im najbolje leži u umjetničkom smislu, ocijeniti potencijal u svakom pojedinom djetetu, te poticati, stvarati temelje za unapređivanje i razvijanje tih sklonosti. U tom pravcu organizirati i sprovesti će se sljedeće:

Kreativne radionice

tabela br: 4

r/b	Naziv radionice	Ciljna grupa	Rok za izradu	Ciljne radionice
1.	Obojimo svijet	djeca i mladi	kontinuirano	prepoznati kreativnost i sklonost djece
2.	Literarni radovi (različite teme)	djeca i mladi	kontinuirano	otkrivanje književnih talenata
3.	Priroda mi daje	djeca i mladi	par puta u godini dana	učenje, spoznaja, rad
4.	Foto-radionica slikom	mladi i drugi zainteresovani	2-3 puta	zapažanja i razvoj estetike
5.	Govor crteža	djeca i mladi	kontinuirano	uljepšati svijet i praznik
6.	Gradimo i slažemo	djeca	kontinuirano	zabava i zadovoljstvo

Rekreativne radionice biti će provodene sa ciljem stvaranja ugone, opuštanja i zabave djece i mladih. Ovakav vid druženja i izražavanja sklonosti djece i mladih je najčešći i najprimjenjiviji u postojećim uslovima rada i shodno ponudi većine Dječijih prostora. Svaka radionica ovakvog tipa prožeta je učenjem, savjetima, provjeri stavova, mišljenja, shvatanjima djece i mladih. Misaone i socijalne igre polučuju najviše uspjeha jer se tako najlakše ulazi u bit razmišljanja, želja, interesa djece spram neke pojave i događanja.

Rekreativne radionice:

tabela br: 5

r/b	Naziv radionice	Ciljna grupa	Rok za izradu	Ciljne radionice
1.	Izlet u prirodu	djeca i mladi	povremeno	uočiti svijet oko sebe
2.	Zimske radosti	djeca i mladi	u zimskom periodu	opuštanje i zabava
3.	Dječija nedjelja	djeca i mladi	oktobar/2017	fokus na dijete
4.	Sportske aktivnosti	djeca i mladi	povremeno	zdraviji život

5.	Kulturna dešavanja	djeca i mladi	povremeno	prepoznati kulturne vrijednosti
----	--------------------	---------------	-----------	---------------------------------

Izvedba i realizacija ovih radionica ovisi od razumijevanja, sluha te pomoći i podrške svih relevantnih faktora društva, donatora, spremnosti da se pomogne i pruži podrška stručnom suradniku pri realizaciji navedenog.

Jačanje već uspostavljenih odnosa i veza na nivou lokalne zajednice, animiranje starih i novih donatora, suradnja sa školama, zdravstvenim ustanovama, policijom, NVO i drugim organizacijama, dakle zajednička suradnja raznih interesnih grupa u lokalnoj zajednici. Raditi na jačanju timskog rada u užem okruženju te raditi na umrežavanju svih, sa jednim ciljem pomoći i podržati djecu i mlade na njihovom putu odrastanja.

Medijska saradnja tj. korištenje resursa svih javnih glasila kako bi se izdigle, ojačale i javnosti prezentirale aktivnosti u Dječijem prostoru i socijalno-pedagoškim porodičnim zajednicama diljem Unsko-sanskog kantona i šire.

Stalna administrativna korespondencija, izrada bilježaka, zapisnika, obavijesti, informacija, zaključaka, mišljenja, izvještaja, prijedloga, zahtjeva i molbi na više raličitih nivoa i prema različitim poslovnim partnerima.

SOCIJALNO-PEDAGOŠKE PORODIČNE ZAJEDNICE

S obzirom da se u Socijalno-pedagoškim porodičnim zajednicama događa i živi stvarni život utoliko je više složenosti u organiziranju, pratnji, podršci i kontroli nad aktivnostima u tim zajednicama. Tome uveliko doprinosi i specifičnost da su izgrađene na cijelom Unsko-sanskom kantonu, a neke su i poprilično dislocirane iz urbanih sredina. Kako su odgajateljsko-hraniteljske porodice zbog svoje specifičnosti vrlo važan segment u zbrinjavanju djece i mladih tako se i angažman stručnog suradnika na području Socijalno-pedagoških porodičnih zajednica može orjentaciono i okvirno prikazati kroz postojeći i predstojeći rad:

- Aktivnosti oko prijema djece na smještaju i zbrinjavanju u Socijalno-pedagoške životne zajednice
- Prikupljanje dokumentacije za dijete, formiranje dosjea za potrebe stručnog suradnika
- Priprema odgajateljsko-hraniteljske porodice na nove prijeme i odlazak već smještene djece iz Socijalno-pedagoških porodičnih zajednica
- Praćenje provođenja adaptacione faze kod novoprimitljene djece
- Savjetodavni rad sa djecom, mladima, odgajateljima-hraniteljima
- Nadzor, praćenje i podrška u psihofizičkom razvoju djece
- Jačanje veza i odnosa između djece i članova biološke porodice, srodnika...
- Unapređivanje dobrih, zdravih interpersonalnih odnosa u porodici
- Rad na planu za krizne situacije i uključivanje samog djeteta u njihovo rješavanje

- Osamostaljivanje mladih, izrada plana pomoći i podrške
- Profesionalna orijentacija mladih sa početkom već u ranoj fazi adolescencije
- Intenzivna suradnja sa školama, uspjeh i ponašanje djece
- Nadzor nad radom odgajatelja-hranitelja
- Edukacija odgajatelja-hranitelja, supervizija svih uposlenih koji direktno rade sa djecom
- Suport djeci i odgajateljima-hraniteljima u kriznim situacijama, uključivanje u njihovo rješavanje
- Pomoć pri zapošljavanju mladih po osamostaljivanju i njihova participacija u lokalnoj zajednici
- Nadzor nad kontaktima, odnosima, komunikaciji na relaciji odgajatelj-hranitelj-dijete, donator-dijete, dijete-dijete
- Pratlja, pomoć i suport kod realizacije izleta, putovanja, ekskurzija i dr.(sagledavajući realne mogućnosti)
- Vanredna intervencija u Socijalno-pedagoškim porodičnim zajednicama, školama i dr.
- Izlazak u javnost, promoviranje i prezentacija Socijalno-pedagoških porodičnih zajednica
- Stalni savjetodavni rad sa djecom pojedinačno, grupni razgovori i savjetovanja, te posebno sa odgajateljima-hraniteljima, konsultacije i usaglašavanja oko najboljeg rješenja za dijete
- Uvid u utrošak finansijskih sredstava namijenjenih djetetu, kao i priliv donacija
- Praćenje mladih po izlasku iz Ustanove
- Niz drugih poslova koji se javljaju u hodu

Svakodnevni partneri u radu rukovodioca Socijalno-pedagoških porodičnih zajednica u cilju osiguranja dobrih i zdravih osnova odrastanja djece i rješavanja problema koji se javljaju tokom procesa će biti: odgajatelj-hranitelj, psiholog, menadžment Ustanove, nastavnici, razrednici, direktori škola, pedagozi, svi rukovodioci Socijalno pedagoških zajednica i druge odgajateljsko-hraniteljske porodice.

Rad u stručnom timu I

Kada je osnovana JU "Socijalno-pedagoška životna zajednica" tako se pokazala potreba osnivanja stručnog tijela i definiranja njegove uloge, značaja i funkcije. Iz reda stručnih uposlenika, osoba sa iskustvom, dodatno obučenih za rad sa najosjetljivijim kategorijama društva, formiran je Stručni tim I koji i danas egzistira.

- Tokom 2017.godine aktivnosti Stručnog tima I će se odvijati u okviru slijedećeg:
 1. Prijem, diskusija, usaglašavanje stavova i mišljenja o prijemu djece u JU "Socijalno-pedagoška životna zajednica", po primljenim zahtjevima ispred Centra za socijalni rad

Unsko-sanskog kantona, odabir najadekvatnije porodice za to dijete, a shodno njegovoj situaciji i potrebama.

2. Zaštita prava i interesa djeteta, rad na iznalaženju najboljeg rješenja za aktuelne probleme nakon analitičkog pregleda i uvida u situaciju.
3. Redovni sastanci samog Stručnog tima kao i radni sastanci sa odgajateljima-hraniteljima, aktuelna problematika, analiza, edukacija, razne debate, informiranja, pružanje pomoći i podrške grupno, razmjena iskustava.
4. Uvezivanje odgovornih aktera i zajednički rad na izradi plana osamostaljivanja.
5. Odmori djece, zajedno sa rukovodstvom JU "Socijalno-pedagoške životne zajednice".
6. Održavanje redovnih tematskih sastanaka sa Centrima za socijalni rad i drugim ustanovama i organizacijama.
7. Predlaganje i iznalaženje instrumentarija primjenjivog za pronalaženje i animiranje potencijalnih odgajateljsko-hraniteljskih porodica zbog sve prisutnih problema učestale smjene odgajatelja-hranitelja
8. Rad na godišnjim planovima i izvještajima prema Ustanovi
9. Zauzimanje stava i davanje mišljenja u posebnim, akutnim, specifičnim stanjima i situacijama vezanim za djecu i odgajatelje-hranitelje.
10. Poticanje profesionalnijeg i transparentnijeg rada i međusobnih odnosa.
11. Bolja, pravilnija, zdravija komunikacija te jednaka informiranost

- Partneri u radu za 2017. godinu:

- Odgajatelj-hranitelj i ostali uposlenici Ustanove
- JU "Centri za socijalni rad"
- Biološka porodica i srodnici djeteta
- Osnovne i srednje škole
- Zdravstvene ustanove: primarni i sekundarni nivoi
- Ministarstvo unutarnjih poslova
- Dječija obdaništa
- Lokalni organi vlasti
- NVO i humanitarne organizacije, razne asocijacije, udruženja i dr.

Odgajateljsko-hraniteljske porodice

Odgajateljsko-hraniteljske porodice trenutno zbrinjavaju 72 djece.

Odgajateljsko-hraniteljske porodice su najvažnija karika u zbrinjavanju djece bez roditeljskog staranja i njihov rad je kontinuiran sa sljedećim aktivnostima:

- svakodnevni rad u kući
- vaspitno - odgojni rad sa djecom
- individualni rad sa djecom
- pomoć u školskom učenju
- kontakt sa biološkom porodicom
- plan pomoći za svako dijete

- mjesečni izvještaj za djecu
- interna evaluacija razvoja mladih u odgajateljsko- hraniteljskim porodicama
- edukacija i supervizija za odgajatelje- hranitelje
- suradnja sa ustanovama

Svakodnevni partneri u radu odgajateljsko-hraniteljskih porodica

- stručni suradnik
- psiholog
- pedagog
- menadžment Ustanove
- biološka porodica
- druge odgajateljsko-hraniteljske porodice

Partneri u zajednici

- centri za socijalni rad
- osnovne i srednje škole
- zdravstvene ustanove
- policijska stanica
- biološke porodice djece
- NVO-nevladine organizacije
- lokalna zajednica

ĐAČKI INTERNAT

Đački internat je jedna od organizacionih jedinica JU "Socijalno-pedagoška životna zajednica" u kome borave djeca-učenici srednjoškolci iz svih općina Kantona, a koja pohađaju neku od srednjih škola u Bihaću. Ovaj Program rada odnosi se na školsku 2016/2017 godinu, kao i na prvo I-polugodište školske 2017/18godinu. U mjesecu junu tekuće godine Upravni odbor Ustanove raspisuje oglas za prijem učenika u Đački internat, kao i kriterije po kojima učenici imaju prednost pri smještaju. U septembru školske 2016/2017 u Đački internat je primljeno 74-učenika iako je smještajni kapacitet 54 mjesta, ali zbog velikog broja opravdanih zahtjeva iz svih općina, svake godine taj broj je sve veći.

Prijem učenika po općinama:

tabela br:6

r/b	Općina iz koje dolazi učenici	Broj primljenih učenika
1.	Bosanska Krupa	24
2.	Velika Kladuša	3
3.	Ključ	1
4.	Sanski Most	1
5.	Bužim	11
6.	Cazin	28
7.	Bihać	1
8.	Bosanski Petrovac	5
	UKUPNO	74

Prema kriterijima prednost za smještaj imaju učenici koji dolaze iz socijalno-pedagoških porodičnih zajednica, djeca bez oba roditelja, djeca bez jednog roditelja, djeca čiji su roditelji korisnici jednog od oblika socijalnih davanja, djeca iz porodica demobilisanih boraca i RVI, djeca iz disfunkcionalnih porodica.

Od 74 primljena učenika, 10-ero učenika je iz naših odgajateljsko-hraniteljskih porodica i to su učenici koji su već smješteni u našu Ustanovu. Svi ostali učenici dolaze iz socijalno ugroženih porodica čiji roditelji nemaju primanja ili su ista skromna i nedovoljna za izdržavanje porodice.

Opravdanost postojanja Đačkog internata jeste u tome da svoj djeci pružimo istu šansu kako bi završili srednju školu i osposobili se za samostalan život.

Učenici su u Đačkom internatu smješteni u 3 bloka (2 bloka ženskih i 1 blok muških). Pored smještaja i redovne ishrane učenici imaju stručnu podršku (psiholog, pedagog, socijalni radnik i 5 vaspitača) i nadzor tokom 24 sata. Vaspitači rade u tri smjene, tako da i noću 1 vaspitač radi zajedno sa noćnim čuvarom.

Naš rad u Đačkom internatu sa učenicima prije svega je preventivni i edukativni, zasniva se na tome da učenicima obezbijedimo kvalitetan i siguran smještaj tokom 5 –dnevnog boravka.

U zgradi Đačkog internata smještena je biblioteka sa zavidnim brojem naslova

Planirane aktivnosti se odnose na:

- obezbijediti boravak, podršku i nadzor za svu djecu-učenike
- kontinuirano biti u kontaktu sa roditeljima, starateljima, srodnicima učenika
- surađivati sa školama koju pohađaju učenici
- surađivati sa Centrima za socijalni rad
- surađivati sa Zavodom za zapošljavanje, radi lakšeg pronalaska posla ili prekvalifikacije
- surađivati sa lokalnom zajednicom, radi pronalaska stipendija, donacija i zaposlenja
- raditi na pronalasku donacija i stipendija

Planirane aktivnosti u 2017.godini

tabela br:7

Planirane aktivnosti	Rok za izradu	Nosilac izrade	Napomena
Organizacija boravka učenika i organizacija slobodnog vremena	kontinuirano	direktor i stručni tim II	uz podršku ostalih uposlenih
Analiza uspjeha učenika	kontinuirano januar/juni	vaspitači	svaki vaspitač za svoju grupu
Izrada i provođenje dodatnog plana-instruktivna nastava	kontinuirano	vaspitači	za učenike koji pokazuju određene poteškoće u učenju i ponašanju
Individualni i grupni rad	kontinuirano	psiholog, pedagog i vaspitači	
Savjetodavni rad sa učenicima koji ispoljavaju neke od oblika neprihvatljivog ponašanja	kontinuirano	socijalni radnik, pedagog i psiholog	
Posjeta školama	dva puta mjesečno (po potrebi i češće)	vaspitači	za učenike iz odgajateljsko-hraniteljskih kuća 4 x a po potrebi i češće

Vođenje evidencije za svakog učenika	kontinuirano	socijalni radnik	
Kontakt sa roditeljima	kontinuirano	socijalni radnik i vaspitač	
Kontakt sa Centrom za socijalni rad	kontinuirano	socijalni radnik	
Formiranje dosjea za svakog učenika i vođenje matične knjige	septembar	socijalni radnik	
Roditeljski sastanak	dva puta godišnje	direktor i vaspitači	po potrebi i češće
Zajednički izlet	dva puta godišnje	učenici i vaspitači	na prijedlog učenika
Obrada stručnih tema	kontinuirano	Psiholog	za uposlene
Podrška Vijeću učenika	kontinuirano	vaspitači	
Sastanci Stručnog tima II	4 puta mjesečno, svakog ponedjeljka	stručni tim	praćenje aktivnosti
Prijem novih učenika	septembar	komisija za prijem	
Obrada stručnih tema	jedanput mjesečno	psiholog i pedagog	prilagođene uzrastu učenika
Radionice -edukativne -kreativne -rekreativne	kontinuirano	socijalni radnik stručni tim II	prilagođene potrebama i uzrastu učenika

STANOVIMA ZA MLADE

U stanovima za mlade u toku 2016.godine boravio je jedan (1) mladić, koji je krajem godine napustio stan za mlade zbog zaposlenja. Za adaptaciju oba stana osigurana su sredstva iz donacije.

Adaptacija stanova završena je u mjesecu februaru/2017.godine. Prema planiranim aktivnostima iz 2016.godine stanovi su potpuno adaptirani uključujući zidarsko-fasaderske radove, uklonjena stara i ugrađena nova keramika, izvršena sanacija elektroinstalacija i ugradnja novih vodoinstalacija. Zahvaljujući finansijskoj podršci Ministarstva zdravstva, rada i socijalne politike USK-a i donatorskim sredstvima Holandske organaizacije „Kinderspectief“ stanovi su adaptirani i spremni da u 2017.godini dobiju svoje korisnike.

Aktivnosti suradnika u stanovima za mlade u 2017.godini

tabela br:8

R/b	Naziv aktivnosti	Rok za izradu	Nosilac izrade
1.	Kontrola mladih u stanovima tokom boravka	kontinuirano	Stručni suradnik
2.	Praćenje uspjeha mladih koji studiraju	kontinuirano	Stručni suradnik

3.	Pronalaženje i pomoć pri zaposlenju mladih	kontinuirano	Stručni suradnik
4.	Kontakt sa potencijalnim poslodavcima	kontinuirano	Stručni suradnik
5.	Suradnja sa Zavodom za zapošljavanje	kontinuirano	Stručni suradnik
6.	Suradnja sa donatorima	kontinuirano	Stručni suradnik
7.	Suradnja sa Centrima za socijalni rad	kontinuirano	Stručni suradnik
8.	Priprema mladih za samostalan život kroz savjetovanja i odgovarajuće radionice	kontinuirano	Stručni suradnik
9.	Suradnja sa lokalnom zajednicom sa ciljem poboljšanja životnih uvjeta za mlade u stanovima	kontinuirano	Stručni suradnik
10.	Pružanje potrebne pomoći mladima na svim nivoima tokom boravka u stanu	kontinuirano	Stručni suradnik
11.	Sastanci sa mladima iz stanova	kontinuirano	Direktor i stručni suradnik

IV KONTINUIRANE AKTIVNOSTI

- Izrada godišnjih izvještaja o radu i programa rada
- Izrada financijskog izvještaja i financijskog plana
- Održavanje redovnih kontakata sa resornim Ministarstvom
- Rad na izradi izvještaja za djecu smještenu u Socijalno-pedagoškim porodičnim zajednicama
- Promoviranje i prezentacija Ustanove
- Organizovanje redovnih sastanaka stručnih timova
- Kontinuirana suradnja sa svim relevantnim institucijama koje vode brigu o djeci i mladima
- Saradnja sa lokalnom zajednicom, nevladinim sektorom ...
- Kontinuirane aktivnosti oko realiziranja započetih projekata
- Animiranje potencijalnih donatora

Zaključci:

1. Nastaviti suradnju sa Centrima za socijalni rad na Unsko-sanskom kantonu, sa namjerom najbolje podrške za mlade,
2. Obezbijediti finansijska sredstva za realizaciju Programa rada Ustanove u 2017. godini (Budžet Kantona i donacije),
3. Razvijati kontakte i suradnju sa donatorima, kako domaćim tako i inostranim, pravnim i fizičkim licima,
4. Preventivno djelovati na suzbijanju maloljetničkog prestupništva i delinkvencije u suradnji sa školama i Ministarstvom unutarnjih poslova,
5. Pratiti psiho-fizički razvoj djece bez roditeljskog staranja, smještene u Ustanovu,
6. Posebnu podršku omogućiti djeci sa lakim poteškoćama u razvoju, kroz suradnju sa stručnjacima koji su educirani za rad sa djecom sa posebnim potrebama (logoped, oligofrenolog, surdoaudiolog...),
7. Organizirati superviziju za sve stručne suradnike koji rade sa djecom i mladima, jer je od velikog značaja za razvoj profesionalne kompetentnosti uposlenika u Ustanovi i pomaže im u radu sa djecom (eksterna evaluacija),
8. Saradivati sa Zavodom za zapošljavanje, Privrednom komorom, općinama Kantona u vidu realizacije dodatnih prava za mlade,
9. Nastaviti započete aktivnosti na osnivanju Socijalno-pedagoške porodične zajednice u općini Bužim
10. Renoviranje—adaptacija Dječijih prostora i Socijalno-pedagoških porodičnih zajednica,
11. Organiziranje ljetovanja za djecu iz Socijalno-pedagoških porodičnih zajednica,
12. Nastavak projekta „Ruka dijaspore“ Švicarska i projekta „Prvi samostalni život“ namijenjen djeci koja napuštaju javnu brigu, odnosno koja se osamostaljuju po izlasku iz naše Ustanove.

Broj: 288 /17
Bihać, 26.07 /2017.

